

आकाशवाणी

पैहले खास-खास खबरां:-

1. भारत ते न्यूजीलैंड ने रक्षा, पशुपालन ते डेयरी, सैलसफा, खेड्ढ ते आपदा प्रबंधन कन्नै जुड़े दे 5 महत्वपूर्ण समझौता ज्ञापन पर दस्तखत कीते न।
2. प्रधानमंत्री नरेन्द्र मोदी होरें ऑकलैंड च न्यूजीलैंड दे प्रधानमंत्री क्रिस्टोफर लक्सन हुं दे कन्नै डेलीगेशन स्तरै दी गल्लबात कीती।
3. भारती नौसेना दे स्वदेशी स्टील्थ फ्रिगेट आई.एन.एस महेंद्रगिरि गी अज्ज आंध्र प्रदेश दे विशाखापत्तनम च पूर्वी नौसैनिक बेड़े च शामिल कीता जाहग।
4. गृह मंत्री अमित शाह होरें आखेआ ऐ जे सरकार, देसै दी समुंदरी सुरक्षा प्रणाली गी अभेद्य बनाने लेई वचनबद्ध ऐ।
5. फीफा विश्व कप च जंदी रातीं खेड्ढे गेदे दुए क्वार्टरफाइनल मुकाबले च स्पेन ने बेल्जियम गी 2-1 कन्नै हराइयै सेमीफाइनल च अपनी थाहर पक्की करी लैती ऐ।
6. विम्बलडन टेनिस च अज्ज महिला सिंगल्स फाइनल च चेकिया दी कैरोलिना मुकोवा दा मुकाबला हमवतन लिंडा नोस्कोवा कन्नै होग।

<><><><><><>

Ind-NZ Agreements

भारत ते न्यूजीलैंड बश्कार रक्षा, पशुपालन ते डेयरी, सैलसफा, खेड्ढ ते आपदा प्रबंधन कन्नै जुड़े दे 5 महत्वपूर्ण समझौता ज्ञापन पर दस्तखत कीते। एह समझौते प्रधानमंत्री नरेन्द्र मोदी ते न्यूजीलैंड दे प्रधानमंत्री क्रिस्टोफर लक्सन हुं दे बश्कार अज्ज ऑकलैंड

च दपक्खी गल्लबात दे बाद कीते गे न। रक्षा खेत्तर दे समझौते कन्नै फौजी सैहयोग ते रणनीतिक सांझेदारी गी बढ़ावा मिलग। पशुपालन ते डेयरी सरबन्धी समझौता शोध, नमिं काहडें ते बेहतर तकनीकें दे आदान-प्रदान गी प्रोत्साहित करग। सैलसफा मतल्लक समझौते दे कन्नै दौनें मुख्यें बश्कार सैलसफा ते जातरा सरबन्धी सैहयोग बधग। खेड्डें दे खेत्तर च सांझी कार्ययोजना बी अपनाई गई ऐ, जिसलै के आपदा प्रबंधन समझौते कन्नै आपदा तैयारी, राहत ते बचाव कम्में च सैहयोग मजबूत होग।



Modi Luxon Talks

प्रधानमंत्री नरेन्द्र मोदी होरें ऑकलैंड च न्यूजीलैंड दे प्रधानमंत्री क्रिस्टोफर लक्सन हुं'दे कन्नै डेलीगेशन स्तरें दी गल्लबात कीती। इस दरान प्रधानमंत्री मोदी होरें आखेआ जे 40एं बरें परैन्त कुसै भारती प्रधानमंत्री दी न्यूजीलैंड जातरा, दौनें मुख्यें दे सरबन्धें च इक ऐतिहासिक पड़ाव ऐ। उंनै आखेआ जे दौनें मुख्यें सामरिक सांझेदारी स्थापित करने दा महत्वपूर्ण फैसला लैता ऐ, जेहड़ा भविष्य दे सैहयोग गी नमीं दिशा देग। प्रधानमंत्री होरें मुक्त बपार समझौते दी दिशा च होई दी प्रगति दी सराहना करदे होई आखेआ जे भारत ते न्यूजीलैंड हिंद-प्रशांत खेत्तर च शांति, स्थिरता ते सुरक्षा गी मजबूत करने च महत्वपूर्ण भूमिका निभाई सकदे न। न्यूजीलैंड दे प्रधानमंत्री क्रिस्टोफर लक्सन होरें आखेआ जे प्रधानमंत्री मोदी हुं'दी एह जातरा, दौनें मुख्यें दे सरबन्धें गी नमीं ऊंचाई देग। उंनै आखेआ जे सामरिक सांझेदारी कन्नै बपार सने केई होरनें खेतरें च सैहयोग दा दायरा होर बधग। एहदे शा पैहले गवर्नमेंट हाउस च प्रधानमंत्री मोदी हुं'दा औपचारिक सुआगत कीता गेआ ते उंनेंगी गार्ड ऑफ ऑनर दिता गेआ। प्रधानमंत्री

अज्ज भारती समुदास गी संबोधित करडन ते उद्योग ते खेड्ढ जगत दिएं प्रमुख
हस्तियें कन्नै बी मलाटी करडन।

<><><><><><>

Navy Project 17 A

भारती नौसेना दे स्वदेशी स्टील्थ फ्रिगेट आई.एन.एस महेन्द्रगिरि गी अज्ज आंध्र प्रदेश
दे विशाखापत्तनम च पूर्वी नौसैनिक बेड़े च शामिल कीता जाहग। रक्षा मंत्री राजनाथ
सिंह इस समारोह दी अध्यक्षता करडन। एह भारत दी रक्षा आत्मनिर्भरता दी दिशा च
इक महत्वपूर्ण उपलब्धि मन्नी जा'रदी ऐ। समारोह शा पैहले रक्षा मंत्री होरें नौसैनिकें
गी संबोधित करदे होई आखेआ जे हिंद महासागर खिते च रमानदारी ते स्थिरता बनाई
रखना भारत दी पैहली जिम्मेदारी ऐ। उ'नें आखेआ जे देशें दा 90 फीसद शा मता
बपार समुंदरी रस्ते राहें होंदा ऐ, इसकरिये समुंदरी सुरक्षा बड़ी महत्वपूर्ण ऐ। रक्षा मंत्री
होरें आखेआ जे आई.एन.एस महेन्द्रगिरि भारत दी स्वदेशी रक्षा निर्माण समर्थ दा प्रतीक
ऐ। 75 फीसद शा मती स्वदेशी सामग्री कन्नै बने दा एह आधुनिक युद्धपोत भलेआं
अज्जै-कल्लै दी स्टील्थ तकनीक कन्नै लैस ऐ ते हर चाल्ली दे समुंदरी अभियान गी
कामयाबी कन्नै पूरा करने दी समर्थ रखदा ऐ।

<><><><><><>

9th Batch Amarnath

श्री अमरनाथ श्रद्धालुएं दा 10मां जत्था अज्ज बड्डलै सख्त सुरक्षा बंदोबस्ते हेठ जम्मू
दे भगवती नगर यात्री निवास थमां कश्मीर घाटी लेई रवाना होआ। साढ़े संवाददाता दी
रिपोर्ट मुजब, 333 गड्डियें दे काफिले च रवाना होए दे इस जत्थे च कुल 9 जहार

182 श्रद्धालू न- जिंदे चा 3 जहार 305 श्रद्धालू बालटाल लेई ते 5 जहार 877 श्रद्धालू पहलगाम लेई रवाना होए दे न। इस जत्थे च कुल 6 जहार 455 मर्द, 2 जहार 389 महिलां, 31 बच्चे, 256 साधु, 46 साध्वियां ते 5 ट्रांसजेंडर श्रद्धालु बी शामिल ऐ।

<><><><><><>

Railways- Kavach

भारती रेलवे नै उत्तर रेलवे दे 680 किलोमीटर दे रस्ते पर कवच प्रणाली शुरू करने लेई 206 करोड़ रुपें दी मंजूरी देई दिती ऐ तां जे सुर7 गी यकीनी बनाया जाई सकै ते चीजें गी बवस्थित तरीके नक्कनै चलाया जाई सकै। इस परियोजना दा मकसद महत्वपूर्ण रस्ते पर मुख्यै अंदर तैयार सुरक्षा प्रणाली दा विस्तार करना ऐ। रेल मंत्रालय नै आखेआ ऐ जे कवच 4.0 दिल्ली डिविजन दे Rewari-Delhi ते Shakurbasti Bathinda सैक्शनें पर कायम कीता जाग। इस प्रणाली गी रेल दी टक्कर कारण होने आले हादसे गी रोकने ते रेलगड्डियें गी मता सुरक्षित बनाने दे मकसद कन्नै तैयार कीता गेदा ऐ।

<><><><><><>

HM Security

गृहमंत्री अमित शाह होरें आखेआ जे सरकार देसै दी समुन्द्री सुरक्षा गी मजबूत करने लेई पूरी चाली वचनबद्ध ऐ। शाह होरें समुन्द्री यातायात सरबन्धी केन्द्री मंत्री सरबानंद सोनोवाल हुंदे कन्नै बंदरगाहें दी सुरक्षा सरबन्धी ब्यूरो दी स्थापना च होई दी तरक्की दी समीक्षा दौरान एह गल्ल आक्खी। गृहमंत्री होरें आखेआ जे बंदरगाहें दी सुरक्षा दा

दायित्व छड़ा License हासल निजी सुरक्षा एजेंसियों की सौंपी जाता जाना चाहिदा ते छड़ा केन्द्री औद्योगिक सुरक्षा बल दे सिखलाई हासल कर्मियों की तैनात कीता जाना चाहिदा। उ'नें मौजूदा बुनियादी ढांचे का इस्तेमाल करदे होई बंदरगाहें की सुरक्षा सिखलाई संस्थान च सिखलाई तौले शुरू करने दे निर्देश दिते।

<><><><><><>

EAM Omani Counterpart

विदेश मंत्री डाक्टर एस. जयशंकर होरें Muscat च Oman दे अपने हमरुतबा बद्र बिन हमद अल बुसैदी हुंदे कन्नै मलाटी कीती ते दौनें मुख्यें बशकार किट्ठे रलियें कम्म करने दे बक्ख-बक्ख तौर-तरीके बारे गल्लबात कीती। सोशल मीडिया की इक पोस्ट पर जयशंकर होरें दस्सेआ जे उन्दे मझाटै बपार, निवेश, Connectivity, समून्द्री, प्रोद्योगिकी, रक्षा ते साइबर खेतरें सरबन्धी गल्लबात होई। दौनें नेताएं खाड़ी च मौजूदा हालात स्थिर करने दे तौर-तरीके बारे बी अपने बचार सांझे कीते। डाक्टर जयशंकर होरें आखेआ जे एह गल्लबात भारत ते ओमान बशकार विश्वास ते मजबूत रणनीतिक सांझ-भ्याली की दर्शादी ऐ।

<><><><><><>

US Iran Talks

अमरीका दे राष्ट्रपति डॉनल्ड ट्रंप होरें आखेआ ऐ जे हालिया तनोतनी बधने दे बावजूद अमरीका ते ईरान गल्लबात जारी रखने पर राजी होई गे न, पर पिछले महीने होए दा युद्धविराम खत्म होई गेआ ऐ। राष्ट्रपति ट्रंप होरें आखेआ जे ईरान ने गल्लबात जारी रखने की गुजारश कीती ऐ ते अमरीका एहदे पर सैहमत होई गेआ ऐ। अमरीका

ने ईरान गी होर्मुज जलडमरूमध्य च ज्हाजें पर हमले रोकने दी मंग बी तेज करी दिती ऐ। इ'नें हमलें करी तनोतनी बधी ते जिस करी अंतर्राष्ट्री बजार च कच्चे तेल दी कीमतां बधियां न। इस संघर्ष दे दरान कतर ते सऊदी अरब दे त्रै कारोबारी टैंकरें पर हमले होए हे, जेहदे परते च अमरीका ने ईरानी ठिकानें पर हमले कीते। तोआई ईरान दी सरकारी मीडिया ने दस्सेआ ऐ जे खाड़ी खिते च तनोतनी घट्ट करने लेई मध्यस्थ दे तौर उप्पर कतर दा इक डेलीगेशन तेहरान जा'रदा ऐ। कतर दे अधिकारी तनाs घट्ट करने ते व्यापक गल्लबात लेई अनुकूल स्थिति बनाने च सहायता गितै ईरानी अधिकारियें कन्नै गल्लबात करा'रदे न। तोआई अमरीका ने ईरान पर नमीं बंदिशां लाई दितिआं न। एह बंदिशां ईरान दे नमें नेता मुजतबा खामेनेई हुं'दे इक प्रमुख माली सैहयोगी सने 13एं होरनें लोकें ते संस्थाएं पर लाए गे न। अमरीका दे वित्त मंत्रालय मूजब, दुबई च स्थित ईरानी बैंकर ते कारोबारी अली अंसारी पर बी बंदिशां लाइयां गेइयां न। उं'दे पर ईरान दी रिवोल्यूशनरी गार्ड्स ते होरनें संस्थाएं गी माली मदाद देने दा आरोप ऐ। अमरीका ने ईरान कन्नै जुड़े दे त्रै एक्सचेंज हाउस ते केई कंपनियें गी बी बंदिशें दे दायरे च शामिल कीता ऐ। अमरीकी बदेश विभाग ने आखेआ ऐ जे एकड़ी गैहीं दा मकसद ईरान दे आला नेतृत्व दी माली गतिविधियें पर रोक लाना ऐ।

<><><><><><>

FIFA WC

फीफा विश्व कप च स्पेन ने बेल्जियम गी 2-1 कन्नै हराइयै सेमीफाइनल च अपनी थाहर पक्की करी लैती ऐ। लॉस एंजिलिस दे इंगलवुड च खेड्ठे गेदे दुए क्वार्टर फाइनल मुकाबले च पैहले हाफ तगर दवै टीमां 1-1 दी बरोबरी पर हिआं। स्पेन लेई

जित आला गोल मिकेल मेरिनो ने 88में मिंट च कीता। एहदे शा पैहले फ्रांस ने पैहले क्वार्टर फाइनल च मोरक्को गी 2-0 कन्नै हराइयै सेमीफाइनल च थाहर हासल करी लैती। अज्ज त्रीये क्वार्टर फाइनल च नॉर्वे दा मुकाबला इंग्लैंड कन्नै होग। एह मैच भारती समें मताबक रातीं ढाई बजे थमां शुरु होग। एहदे अलावा, चौथे क्वार्टर फाइनल च मजूदा चैंपियन अर्जेंटीना दा सामना कल स्विट्जरलैंड कन्नै होग।

<><><><><><>

Wimbledon

बिम्बलडन टेनिस च अज्ज महिला सिंगल फाइनल च चेकिया दी Karolína Muchová दा मुकाबला उन्दी गै मुख्यै दी Linda Nosková कन्नै होग। दवै खडारन पैहली बार बिम्बलडन खताब जितने दे इरादे कन्नै मैदान च उतरडन। उत्थै गै पुरुष सिंगल फाइनल कल खेड्डेया जाग। एहदे च दुनिया दे पैहले नम्बरै दे खडारी Jannik Sinner दा सामना जर्मनी दे Alexander Zverev कन्नै होग। Sinner नै सैमीफाइनल च Novak Djokovich गी ते Zverev नै बरतानिया दे Arthur Fery गी हराइयै फाइनल च अपनी थाहर पक्की कीती ही। दवै खडारी पैहली बारी बिम्बलडन दा खताब जितने दी कोशश करडन।

<><><><><><>

Weather

मौसम विभाग ने बिहार, उत्तर प्रदेश, असम, मेघालय, नागालैंड, मणिपुर, मिजोरम, त्रिपुरा, पच्छिम बंगाल दे तराई आहले इलाकें ते सिक्किम च अगले त्र'उं दिनें दरान मौलेधार बरखा दी भविक्खवाणी कीती ऐ। विभाग ने दिल्ली, हरियाणा, चंडीगढ़, पंजाब, अरुणाचल

प्रदेश, हिमाचल प्रदेश, उत्तराखंड, लद्दाख ते जम्मू-कश्मीर च अगले 5एं दिनें दरान बड़ी मती बरखा दी शेंका जताई ऐ। अंडमान-निकोबार टापुएं सने आंध्र प्रदेश, मध्य प्रदेश, तेलंगाना, कर्नाटक, ओडिशा, तमिलनाडु, पुदुचेरी, कराईक्काल, मध्य प्रदेश, छत्तीसगढ़, झारखंड ते पूर्वोत्तर दे किश हिस्सें च अगले त्रै थमां चार दिनें च तेज ब्हाएं दे कन्नै बरखा बरने दी मेद ऐ। दिल्ली च अज्ज गरज-चमक दे कन्नै हल्की बरखा दी संभावना ऐ।

<><><><><><>